

M220P: Prüler Steinbuch (M1)

- 82v,13 de XII . lapidibus .
 82v,14 iaspis colore viridis . saphirus speciem habet caelesti trono
 82v,15 similis . calcedonius pallidam ignis habet effigiem .
 82v,16 smaragdus virens nimium . sardonix constans tricoloris .
 82v,17 sardius est punicus . cuius color sanguineus . crisolitus
 82v,18 auricolor . berillus limphaticus . ut sol in aqua limpidus .
 82v,19 topazius virore rubet crisio et aspectu aetherio .
 82v,20 crisoprasus purpureus auricolores aut flammeus .
 82v,21 iacinctus caeruleus . virore mediocris . amatistus colore
 82v,22 violaceus . flammis emittit aureas . hi pretiosi
 82v,23 lapides carnales signant homines . caelorum est varietas .
 82v,24 virtutum multiplicitas . iaspis multum valet .
 82v,25 at fluxum sanguinis . si imponitur vino . et hoc biberit valet .
 82v,26 ob daz wîp daz getrinket dâ der selbe stein in geworfen
 82v,27 wirdet . is si nicht maget ûf ire vûeze netzet . ist daz

 83r,1 si maget ist iz ne wirret ir niet . ob dû diu blâter dâ dû
 83r,2 wenest daz iz daz vreislich sî . mit dem selben steine .
 83r,3 berîzes iz zegêt . er ist ouch guot wider die sæligen suht .
 83r,4 ob er den wîn trinket . dâ der stein in liget .
 83r,5 er ist ouch guot dem . der daz starke fieber hât . ob er dâr
 83r,6 abe trinket . er ist guot den wîben di des kindes
 83r,7 genesen sol . ob si danne getrinket . oder über den nabel
 83r,8 gebindet . er ist guot dem gâhes an den ougen wê wirdet .
 83r,9 ob er sich drîe morgene dâ mit gesegenet in nomine – . – . – . – .
 83r,10 er ist guot vûre aller slahte wurmbeize . ob dû in dâr an gelegest
 83r,11 dâ iz gehecket sî daz eiter veret ûz der wunden . er ist
 83r,12 ouch guot dem dâ vergeben wirdet . ob er der kervelen suc trinket .
 83r,13 dâ der selbe stein inne liget er spîwet daz eiter sâ . er ist
 83r,14 ouch guot des daz er daz bluot verstrætet . daz ûz der wunden
 83r,15 oder den nasen vliuzet . ob er dâr ane gebunden wirdet .
 83r,16 swelich wîp diu den stein hât an dem vinger daz er die
 83r,17 hût dâ durch rüeret . si wirdet niet swanger . er ist ouch guot
 83r,18 dem miselensühtigen . ob er in allezane treit samet ime .
 83r,19 iacincti der sint drîe slahte . einer ist rô . unde griuzeloht .
 83r,20 der ist ouch aller steine tiurest . ditze ist sîn natûre . ob er in
 83r,21 daz viur geworfen werde . sô man ie mêre zuo blâset . sô er
 83r,22 ie rôter wirdet . ist ieht swarzes dâr ane . daz brennet daz

- 83r,23 viur ûz . unde wirdet lûter . der ander slahte jêchant .
83r,24 der heizet cytrinus . der dolet nieht daz viur . der dritten slahte
83r,25 jêchant . der heizet venetus . der dolet daz viur . vûrenamens
83r,26 nieht . der rôet jâchant . ist guot dem daz bluot wirret .
83r,27 er ist guot dem der in ein wurmigez lant vert .
- 83v,1 daz ungesund ist . ob er in mit ime hât
83v,2 – der ist grüene . unde ist den siechen ougen guot .
83v,3 ob in der sieche trage . sô er in ofter ane sihet . sô er ie baz
83v,4 sihet . unde werdent ime lûter . dâr abe .
83v,5 – der ist lâsûrvar . unde ist dem guot der daz vel unde
83v,6 zinke in deme ougen hât .
83v,7 – der ist guot pulveroht . vûre den grint . des mennischen .
83v,8 unde vûre die mâsen . unde vûre die zehere der
83v,9 ougen . – ist guot . daz er kalt machet daz wallente
83v,10 wazzer . unde ist dem guot der in treit . vûre di vergift . des
83v,11 eiters . unde ist goltvar .
83v,12 – ist guot . unde ist liehtvare . swer in treit . der
83v,13 wirdet geminnet vone vriunten joch von vîanden .
83v,14 – der ist vare same diu sunne in daz wazzer schînet
83v,15 ist guot swer in treit des rede ist lobesam in allen dingen in vliehent
83v,16 die tiuuele . – ist brûnerôt . ist guot den tiuvelsûhtigen .
83v,17 – ist tunkelrôt . schînet nahtes . ist
83v,18 guot der in treit vûre di vallensuht .
83v,19 – ist purpurvar der in treit er ist ze der werlte rîchsælic .
83v,20 sihet in sîn vîant . an im . er minnet in sâ ze stunte .
83v,21 – der ist tunkelvarwere denne purpurvarwe .
83v,22 er machet . ruortranc der in gepulveret . der in
83v,23 treit . der wirdet geminnet von den edelen vrouwen .
83v,24 unde wirdet versmâhet von den diuwen .